

ՀԱՅԿԱԿԱՆ ՎԱՐՔԵՐԻ ԳԵՂԱՐՎԵՍՏԱԿԱՆ ԱՐԺԵՔԸ (XI—XV ԴԴ.)

Ք. Ս. ՏԵՐ-ԴԱՎԹԵԱՆ

Հայ միջնադարյան դրականության տարածված ժանրերից է վարքը, որը դեռևս բիշ և ուսումնասիրված և ըստ ամենայնի չի գնահատված, թեև նրա վարդապետման անընդհատված չէր համընդհանուր գրական շարժումից:

Վարքագրության մեջ իրենց յուրահատուկ արտացոլումն են գտել ժամանակի ողու, աշխարհայացքի, գրական ճաշակի բնագավառում եղած փոփոխությունները: Վարքերը աստիճանաբար հարստացել են կյանքի առաջադրած նորանոր մոտիվներով ու նրբերանգներով: Վարքագրական հուշարձանները այն դեղարվեստական ստեղծագործություններն են, որոնց ընդերքում ընձյուղել են դեղարվեստական արձակի փոքր ծավալի ժանրերի, ինչպես, օրինակ, նովելի, պամֆլետի սաղմերը: Սակայն այս բնագավառի հետազոտության բացը դեռևս նկատելի է հայ գրականության պատմության մեջ: Վարքագրական հուշարձանները գիտվել են իբրև պատմական սկզբնաղբյուր, հրապարակվել և ուսումնասիրվել են որպես այդպիսիք: Այդ առումով հայագիտության մեջ հրակայական աշխատանք է կատարվել: Վարքերի, վկայաբանությունների հավաքումը, հրատարակումը, նրանց աղբյուրագիտական և պատմական արժեքի վերհանումը սկսվել է դեռևս XIX դ. սկզբում, հետզհետե հարստանալով նորանոր ուսումնասիրություններով: Այդ գործում հատկապես մեծ վաստակ ունեն վենետիկյան Մխիթարյանները (Մ. Ավգերյան, Ղ. Ալիշան և մյուսներ): Սակայն վարքերի գրական-գեղարվեստական արժանիքները անտեսվել են: Նույն վիճակն էր տիրում լատինական, բյուզանդական և ռուսական սրբախոսական գրականության ուսումնասիրության ասպարեզում¹: Դարասկզբին միայն հրապարակվեցին հետազոտություններ, որոնցում վարքերը դիտվում էին իբրև դրական առանձին ժանր: Վերջին տարիներին ռուս մասնագետները լույս ընծայեցին մի շարք արժեքավոր ուսումնասիրություններ՝ նվիրված ինչպես սլավոնական, այնպես էլ բյուզանդական ու լատինական գրականություններին²:

¹ II. Н. Голенищев-Кутузов. Средневековая латинская литература Италии. М., 1972. стр. 210.

² Վ. Գ. Աղրիանով-Պերևցի հոգվածաշարը ТОДРЛ-ի (Труды Отдела древнерусской литературы Института литературы) 1947, 1949, 1951, 1953 թթ. համարներում: II. П. Ермиин. Литература древней Руси. М.—Л., 1966: Д. С. Лихачев. Человек в литературе древней Руси. М., 1970. նույնի, «Культура Руси времени Андрея Рублева и Епифанья Премудрого», М.—Л., 1962; նույնի, «Поэтика древнерусской литературы», Л., 1971, «Памятники византийской литературы IV—IX вв.», т. I, М., 1968. т. II (IX—XIV вв.), М., 1969; «Памятники латинской литературы IV—IX вв.», М., 1970, «Истоки русской беллетристики», Л., 1970; II. Н. Голенищев-Кутузов. Средневековая латинская литература Италии. М., 1972; С. В. Полякова. Византийские легенды. Л., 1972; Л. А. Дмитриев. Житийные повести Русского Севера как памятник литературы XIII—XVII вв., Л., 1973; С. С. Аверинцев, Плутарх и античная биография. М., 1973; «Византийская литература», М., 1974 և այլն:

Հայ իրականության մեջ այդ ուղղությամբ սոսկ առաջին քայլերն են արված: Արեղյանն իր «Հայոց հին դրականության պատմության» մեջ գրականագիտորեն արժեքավորեց վարքագրական հուշարձանները և գեղարվեստական վերլուծության ենթարկեց V դ. ամենաարժեքավոր երկերը, ինչպես նաև Վահան Գոգթնացու վկայաբանությունը (VIII դ.): Վարքագրական ժանրի գեղարվեստական ուսումնասիրության առումով հաջորդ քայլը հանդիսացավ Մ. Ավդալբեգյանի մենագրությունը³:

Բայց եթե կարելի է նշել հայկական վարքագրության առաջին՝ դասական շրջանի առավել կամ պակաս չափով լուսաբանված լինելու փաստը, սույն նույնը չի կարելի ասել մնացած փուլերի մասին, որոնց քննությունը սահմանափակվել է կամ սոսկ որոշ վարքերի հրատարակությամբ, կամ էլ սլաղամագրական և աղբյուրագիտական բնույթի հարակից հետազոտություններ պարունակող հրապարակումներով:

Հայ գրականության մեջ մոտավորապես XI դ. սկիզբ է առնում զարգացման մի նոր շրջան, որը նոր որակ է հաղորդում նաև վարքերին: Վարքագրական հուշարձանների բնույթի և նկարագրի վրա որոշակի ներգործություն են ունենում մի կողմից՝ վարքագրական ժանրի զարգացման ներքին օրինաչափությունները, մյուս կողմից՝ գրական ընդհանուր վերելքը⁴, որը համակել էր նաև հոգևորական խավին և իր վառ արտահայտությունը գտել «արծաթե դարի» գրական գործիչների կամ «երկրորդ թարգմանիչների» ստեղծագործության մեջ⁵: Գնահատելով վերջիններիս գործունեությունը, Ղ. Ալիշանը ընդգծում է նրանց բացառիկ վաստակը հայ դրականության և լեզվի հետագա զարգացման գործում, լեզու, որն իր մաքրությամբ և նրբագեղությամբ մոտենում է դասական շրջանի լեզվին⁶:

Վաղ քրիստոնեական գրական հուշարձանների թարգմանությունները և վարքագրական ժանրի հետագա արմատավորումն ու մշակումը «արծաթե դարի» գործիչների կողմից հզոր ազդակ են դառնում վարքերի զարգացման համար: Այդ շրջանի հուշարձանների բարձր արվեստը մեծապես պայմանավորված էր հետևյալ հանգամանքով. վարքեր ու վկայաբանություններ ստեղծելուն ձեռնամուխ են լինում ոչ միայն սոսկ ուսուցողական նպատակների հետամուտ վարքագիր հեղինակները, այլև ճանաչված գրողներն ու գրական գործիչները: Նրանցից էին Գրիգոր Վկայասերը (XI—XII դդ. սկիզբ), Գրիգոր IV, Փոքր Վկայասեր մականունով (XII դ.), Ներսես Շնորհալին (XII դ.), Ներսես Լամբրոնացին (XII դ.), Մխիթար Գոշը (XII—XIII դդ.), Դավիթ Ալավկաորդին (XII դ.), Գրիգոր Սկեռացին (XIII դ.), Վարդան Արեելցին (XIII դ.), Մխիթար Այրիվանեցին (XIII դ.), Կիրակոս Գանձակեցին (XIII դ.), Գրիգոր Անավարզեցին (XIII դ.) և ուրիշներ:

Այդ ժամանակաշրջանի վարքագրական հուշարձաններն աչքի են ընկնում գեղարվեստական ձևի ու ոճի բազմազանությամբ ու հարստությամբ: Հանդի-

3 Մ. Թ. Ավդալբեգյան, Հայ գեղարվեստական արձակի սկզբնավորումը, Երևան, 1971:

4 Մ. Արեղյան, Երկեր, հ. IV, Երևան, 1970, էջ 17—69:

5 Ղ. Ալիշան, Շնորհալի և սլաղագայ իւր, Վենետիկ, 1873:

6 Նույն տեղում, էջ 62:

7 Գ. Զարհանալիան, Մատենադարան հայկական թարգմանութեանց նախնաց (Դ—ԺԳ դդ.), Վենետիկ, 1889, էջ 28—31:

պում են ներբողական կամ հռետորական բնույթի (արձակ և շափածո), հիշատակարանատիպ, հայսմավորքային, ինչպես նաև սովորական կենսագրություններ հիշեցնող վարքեր: Այս կամ այն գործչին նվիրված վարքագրական երկերի սոսկ թվարկումն իսկ վկայում է XI—XV դդ. գրական աշխարհում հիշյալ ժանրի տարածվածության մասին⁸: Վարքերի ծավալմանը նպաստում է նաև եկեղեցական-դավանաբանական վեճերի այն աշխուժացումը, ապա նաև բորբոքումը, որը XIII դ. կեսերից արդեն սկսում է բավական նշանակալից դեր կատարել հայ ժողովրդի քաղաքական կյանքում⁹:

Գրականության ընդհանուր վերելքը դրսևորվում էր ո՛չ միայն հռետորական վարքերի ծավալման և նրանց արվեստի մեջ, այլև թեմաների ընտրության, բովանդակության, աշխարհայացքի, աշխարհականացման տարրերում:

Հայրենասիրությունը, որ XI դ. հայ գեղարվեստական գրականության գրել-խավոր թեմաներից էր¹⁰, թափանցում է և վարքագրական երկերի մեջ, որոնց մի նշանակալի մասի թեմատիկ առանցքն է դառնում անցյալի մշակութային և եկեղեցական-քաղաքական գործիչների կյանքը: Վարքագիրները դիմում են հայոց պատմության էջերին, ցանկանալով քաջալերել իրենց ժամանակակիցներին: Այսպես, Հովհաննես Սարկավագի (մահացել է 1129 թ.) ստեղծագործության մեջ բավական մեծ տեղ են զբաղեցնում ներբողները: Նրա մասին Կիրակոս Գանձակեցին (XIII դ.) վկայում է. «Սա գրեաց ճառս ներբողականս ի մեծազոր արքայն Հայոց Տրդատ, և ի սուրբ հայրապետն Ներսէս, և ի սբանչելին Սահակ և Մեսրոպ. արար և շարական Ղևոնդեացն քաղցր եղանակաւ և յարմար բանիւ»¹¹, Ներսես Շնորհալու, Ներսես Լամբրոնացու, Վարդան Արևելցու և ուրիշների գրական ժառանգության մեջ որոշակի տեղ են գրավում Գրիգոր Լուսավորչին, նրա թոռներին և հետնորդներին, Սահակ Պարթևին ու Մեսրոպ Մաշտոցին նվիրված վարքերն ու հատկապես ներբողական ճառերը:

XI դ. երկրորդ կեսից փոփոխություններ են նկատվում և միջնադարյան մարդու աշխարհայացքում, որոշակի արժեք է ստանում ինքը՝ մարդը: Մեղքե-

⁸ Այսպես, Ներսես Շնորհալուն նվիրված են Ներսես Լամբրոնացու շափածո ներբողը (Ն ե ր ս Ե ս Շ ն ո ր հ ա լ ի, Ողբ Նդեսիոյ, Կալկաթա, 1872, էջ 167—216) և երկու վարք՝ ընդարձակ («Սոփերք», հ. XIV, Վենետիկ, 1854, էջ 8—87) և համառոտ, որը վկայակոչում է Ղ. Ալիշանը («Շնորհալի և պարագայ իւր», էջ 42): Ներսես Լամբրոնացու նվիրված են երկու ներբող, մեկը՝ Գրիգոր Սկեռացունը («Սոփերք», հ. XV, էջ 1—90), երկրորդը անանուն՝ նույն պես ժամանակակիցի (Ա լ ի շ ա ն, Հայապատում, հ. II, Վենետիկ, 1901, էջ 419), մեկ վարք, որի հեղինակն է Սամվել Սկեռացին (Գ. Հ ո վ ս Ե փ յ ա ն, Հիշատակարանք ձեռագրաց, Անթիլիաս, 1951, էջ 542—550): Ներսես Լամբրոնացու վարքը հրատարակվել է մի քանի անգամ (նույն տեղում, էջ 550—551, ժանրթ.): Գևորգ Սկեռացուն նվիրված են՝ ներբող («Հայապատում», էջ 504—507) և վարք («Բանբեր Մատենադարանի», № 7, Երևան, 1964, էջ 410—433):

⁹ Եկեղեցական-քաղաքական պայքարի սրման և վարքագրության դարգացման նման պայմանավորվածություն է մատնանշում Խ. Լոպարեբը բյուզանդական վարքագրության մեջ. «Սրբերի վարքերը, որպես պատմական աղբյուր,— գրում է նա,— սերտորեն կապված են տվյալ դարաշրջանի եկեղեցական-քաղաքական հոսանքների հետ, նյութ հանդիսանալով դրա մանրակրկիտ ուսումնասիրության համար: Որքան ավելի լավված էր դարաշրջանի մթնոլորտը, որքան ավելի գործուն էր եկեղեցին արձագանքում կյանքի երևույթներին, այնքան ավելի շատ սրբերի վարքեր էին հայտնվում և այնքան ավելի շատ վարքեր էին պատմական բնույթ կրում» (X. Лопарев, Греческие жития святых VIII—IX веков. Петроград, 1914, стр. 43):

¹⁰ Մ. Ա ր Ե ղ յ ա ն, Երկեր, հ. IV, էջ 70—72:

¹¹ Կ ի ր ա կ ո ս Գ ա ն ձ ա կ Ե ց ի, Պատմություն հայոց, աշխատասիրությամբ Կ. Մեյր-Օհանջանյանի, Երևան, 1961, էջ 113:

րի բավություն և աշխարհիկ վայելքներից հրաժարվելու, ապաշխարանքի, այն աշխարհում հոգու փրկության համար մարմինը ձաղկելու միստիկական պատկերացումների հետ մեկտեղ հանդես է դալիս ողջ ժողովրդի մեղավորության գաղափարը և վերջինիս այսկողմնային փրկության համար ո՛չ թե մարմինը մեղցնելու, այլ այն բարոյապես առողջացնելու կոչը¹²։ Նույն այդ մոտիվները ներթափանցում են և վարքագրության մեջ։ Սահակի և Մեսրոպի պատմությունում (XIII դ.) վարքագիրը նկարագրում է պետականությունը կորցրած հայ ժողովրդի դժնի վիճակը, որը «կործանված, սրբապղծված»՝ կատարված ոճիրների քրատճառով, «կործանման վճարապարտված»։ Խոսում է անօրինությունների, բարոյագրկության ահագնացման մասին և այլն, բայց միևնույն պահին մատնանշում է փրկության ուղին։ Նա ուղղակի ապաշխարանքի կոչ է անում։ «Եւ արդ՛ լսիրթի՛ր, արդ ստրջացի՛ր, գոնէ զգաստացի՛ր, արի՛, կարդա՛ առ տէր Աստուած քո, աղաղակեա՛ առ նա ցաւագին անձամբ։ աղաչեա՛ զերեսս նորա, պաղատեա՛ առ նա ասելով։ Դարձ առ մեղ Աստուած փրկիչ մեր, ե դարձո զսրտմըտութիւնս քո ի մէնջ։ Աստուած դու դարձեալ կեցո զմեզ, և ժողովորդ քո ուրախ լիցին և քեզ։ ցոյց մեզ Տէր զողորմութիւնս և զփրկութիւն քո տուր մեզ։ Զարթո զգօրութիւն քո և եկ կեցուցանել զմեզ»¹³։

Շատ հետազոտողներ նկատել են, որ հենց սկզբից վարքագրության մեջ ուրվագծվում է երկու ուղղություն՝ ժողովրդական և հոետորական, որի արմատները թաղված են անտիկ արվեստում։ Առաջին ուղղությունը նախորոշված էր լայն խավերի համար, մոտիկ էր բանահյուսությանը և օգտվում էր բանավոր ստեղծագործությանը հատուկ հնարաններից։ Նմանօրինակ վարքերում արտահայտչաբեղանակները և ոճը պարզեցված են։ Երկրորդ ուղղության վարքերում՝ ուղղված բարձրաշխարհիկ ընթերցողներին, լայնորեն օգտագործվում էր հոետորական ոճը¹⁴։

Ինչպես հոետորական, այնպես էլ ժողովրդական ուղղության հարող վարքագրական երկերում նկատվում են գրականության աշխարհականացման որոշակի հետքեր։ Աշխարհիկ ոգու ներգործությամբ տեղի է ունենում ժողովրդական ուղղության պատկանող վարքագրական հուշարձանների որոշ «գեմմոկրատացում»։ Վերջիններս առատորեն հեղեղվում են ժողովրդական խոսվածքի տարրերով, ընդարձակվում է հերոսների սոցիալական շրջանակը՝ նշանավոր անհատների հետ սրբախոսական հերոս են դառնում հասարակ մարդիկ (Խոսրով Գանձակեցի, Հովսեփ Դվնեցի), օգտագործվում են աշխարհիկ, կենցաղային սյուժեներ և այլն։ Նկատելիորեն պարզեցվում և լայն տարածում են գրտնում ինչպես վարքերի ժողովրդական պատումները, այնպես էլ նրանց գրական վերամշակումներն ու համառոտումները, որոնց վկայությունն են հայկական հայամավորների խմբագրությունները։ Սրանք մեծ տարածում են ստանում մասնավորապես XIII դ. ժողովրդական ուղղության վարքերում որոշակի զարգացում են ապրում հրաշապատումներն ու տեսիլքները։ Հրաշապատումների հեքիաթային տարրը (հիշենք Տրդատի խոզի կերպարանք ստանալը և Գրիգոր Լուսավորչի աղոթքի շնորհիվ վերստին մարդ դառնալը, թունավոր օձերի ու

¹² Մ. Արեղյան, նշվ. աշխ., էջ 56։

¹³ «Սոփեր», հ. II, Վենետիկ, 1855, էջ 23—25։

¹⁴ X. Лопарев, Греческие жития святых VIII—IX веков, стр. 6—7; С. Поликова, Византийские легенды, стр. 246—247; С. Аверинцев, Плутарх и античная биография, стр. 122.

կարիճների մեջ 'Իրիդոր Լուսավորչի անվնաս մնալը խորվիրապում և այլն) իր տեղը դիջում է կենցաղային, առօրյա, սովորական դեպքերի նկարագրությունը¹⁵:

Հոռտորական կամ ներբողական վարքերում հերոսի պատկերման պայմանականությունները, իբրև գեղարվեստական հնարանքներ, հաճախ տեղի են տալիս վերջիններիս մեջ առատորեն ներթափանցող ռեալիստական նկարագրությունների տարրերին:

Արտարին զործոններից բացի, նրանց հետ միահյուսված, XI—XV գդ. վարքագրական հուշարձանների վրա իր որոշակի կնիքն է դնում հենց վարքագրական ժանրի զարգացման միտումը: Սկսած XI դ. այդ հուշարձաններն ստանում են վարքագրության ժանրի ձևավորման ավարտուն շրջանին բնորոշ գծեր: Աչքի է ընկնում դրանց ժանրային ամբողջականությունը, առավել լիակատար և ցայտուն են դրսևորվում առանձնահատկությունները՝ կապված վարքերի խրատական կողմի խորացման հետ:

Վարքերի ուսուցողական նպատակադրումը ստիպում էր գտնել նոր արտահայտչամիջոցներ, որոնց օգնությամբ պետք է ընթերցողին հասցվեր ստեղծագործության հիմնական գաղափարը:

Ժողովրդական և հոռտորական վարքերը տարբեր ձանապարհներով են մտնում այդ խնդրի իրագործմանը: Առաջինների մեջ խրատական գաղափարները արտահայտվում են հրաշապատումների ու տեսիլքների միջոցով, որոնք վեր են ածվում դրականորեն վերամշակված պատմությունների: Այդ իրողությունը հեշտությամբ նկատելի է մի քանի խմբագրությամբ պահպանված վարքերում: Վաղ խմբագրության հրաշքի հսկանցիկ հիշատակումը հետագայում փոխակերպվում է գրական մշակման ենթարկված պատմության: Համեմատենք, օրինակ, Ստեփանոս Սյունեցու վարքի՝ Մովսես Կաղանկատվացու խմբագրությունը¹⁶ Մխիթար Այրիվանեցու ուշ շրջանի խմբագրության հետ¹⁷ կամ Գրիգոր Նարեկացու վարքը՝ Ներսես Լամբրոնացու հեղինակությամբ¹⁸ նրա հայսմավուրբային խմբագրությունների հետ¹⁹:

Հոռտորական վարքերում, որոնց անդրադառնում ենք հանգամանորեն, ավելի նկատելի է հակումը դեպի լեզվա-ոճական պաճուճանքներ, որոնք երբեմն միտումնավոր բնույթ են կրում (Գևորգ Սկևռացու վարքը): Իրենց բնույթով սրանք մոտենում են ներբողներին, լեզուն ու կառուցվածքը որոշակի փոփոխության են ենթարկվում: Հաճախ ձևը իշխում է բովանդակությանը, բուն բովանդակության ծավալը ընդհանուր-վերացական դատողությունների, հերոսի կյանքի մասին հուզումնալից մտորումների համեմատությամբ բավական փոքրանում է²⁰: Շարադրանքի ընթացքը ընդհատում են հոռտորական,

15 «Ազաթանգեղեայ Պատմութիւն հայոց», Թիֆլիս, 1914, էջ 71—72, 112:

16 «Մովսեսի Կաղանկատուացույ Պատմութիւն Աղուանից աշխարհի», Թիֆլիս, 1912, էջ 364—366:

17 Գ. Հովսեփյան, Մխիթար Այրիվանեցի, նորահայտ արձանագրությունը և մատենագրությունը, Երուսաղեմ, 1931:

18 «Հանդես ամսօրյա», 1940, էջ 215—217:

19 «Հայսմաւորք», Կ. Պոլիս, 1834, փետրվարի 27, նաև 1730, փետրվարի 27:

20 Գ. Լիխաշովը, օրինակ, նշում է, որ Ստեփան Պերմսկու վարքում փաստերը կարող էին տեղավորվել ստեղծագործության հիսուներորդ մասում, մնացածը՝ հուզումնալից մտորումներն

քնարական զեղումները, աղոթքներն ու ողբերը, որոնք ընդհանուր գործողությունը դանդաղեցնելով՝ ուժեղացնում են պատմվող դեպքերի ազդեցությունը, նրանց թողած տպավորությունը: Ահա սա՝ է հոետորական վարքերի և ներքողների նմանությունը: Սակայն, ի տարբերություն առաջինների, վերջիններում այս գծերը շատ ավելի շեշտված բնույթ են կրում: Ձևը, գրեթե միշտ, գերիշխում է բովանդակությանը, հուզական շարադրանքը, տարբեր տեսակի զեղումները հաճախ առաջացնում են ժամանակագրական հետևողականության խախտում և այլն: Այդպիսի շարադրանքի և կառուցվածքի բնորոշ օրինակ կայող է ծառայել Սահակի և Մաշտոցի պատմությունը²¹, որը ներքող է՝ նվիրված հայոց գրերի ստեղծմանը և առաջին հայ թարգմանիչների գործունեությանը: Հեղինակը նպատակ չունի դրանք մանրամասնորեն նկարագրել: Նա ձգտում է հանրապետարի բերել և գնահատել հայ ժողովրդի հոգեկոթ կյանքում գրերի ունեցած հսկայական գերը, րացահայտել հայերեն գիր ու գրականություն ստեղծողների սխրանքի վեհությունը և այն ի ցույց դնել մշակույթի ու գիտության իր ժամանակի շատագույններին: Հեղինակը հատվածաբար է օգտագործում սկզբնաղբյուրները՝ ներհուսելով դրանք ընդհանուր շարադրանքին: Աղբյուրները ընտրելիս նա հին հեղինակների գրվածքներում փնտրում է այնպիսի հատվածներ, որոնք որոշակի պատմական տեղեկություններ են պարունակում Սահակ Պարթևի գործունեության, Մաշտոցի կողմից հայ գրերի ստեղծման և առաջին թարգմանիչների վերաբերյալ: Սակայն դա չէ, որ գրավում է ընթերցողին. նրա միտքն ու զգացմունքները ամբողջովին համակվում են հեղինակի և նրա հերոսների ապրումներով: Հուզական մթնոլորտի լիակատար միասնությունը ստեղծում է մեկ տրամադրությամբ համակված ամբողջական ստեղծագործության տպավորություն՝ չնայած խառն կառուցվածքին: Այդ նպատակի իրագործմանն է ծառայում շարադրանքի հուզական երանգավորումը, բոլոր իրադարձությունների զգացմունքային գնահատումը:

XI—XV դդ. ներքողական կամ հոետորական վարքերի կառուցվածքին բնորոշ են ընդարձակ նախաբանները, երբեմն նաև խրատական վերջաբանները²²: Իրենց առջև դրված խնդրի իրագործման առիթով հեղինակների ապրումներն այս ժամանակաշրջանի վարքագրական հուշարձանների նախաբաններում միտումնավոր չափազանցված բնույթ ունեն: Սեփական մեղապարտության մասին վարքագիրների հոետորական ինքնանվաստացուցիչ դատողու-

ն են սրբի կյանքի մասին (Ա. Лихачев, Человек в литературе древней Руси, стр. 75). Վարքագրության զարգացած շրջանի բնորոշ գծերի մասին տե՛ս նաև С. Полякова, նշվ. աշխ., էջ 263—268 և հաջորդները:

21 Մեզ են հասել Սահակի և Մաշտոցի Պատմության երկու խմբագրություն, մեկը՝ համառոտ («Սոփերք», հ. II, Վենետիկ, 1853, էջ 4—42), մյուսը ընդարձակ («Բանբեր Մատենադարանի», № 7, Երևան, 1964, էջ 366—398): Փ. Անթարյանն իրավացիորեն նշում է, որ այս ստեղծագործությունը պատկանում է Վարդան Արևելցու գրչին (նույն տեղում, էջ 365—376, նույնի՝ «Սահակ Պարթևի «վարքի» և նրա հեղինակի մասին», «Պատմա-բանասիրական հանդես», 1968, № 2): Պատմության ժամանակի և հեղինակի հարցի մասին տե՛ս նաև՝ Հ. Աճառյան, Հայոց գրերը, Երևան, 1968, էջ 44—49, և. Թորոսյան, Սահակ Պարթևի վարքը և նրա հեղինակը («Բանբեր Երևանի համալսարանի», 1967, № 2, էջ 201—211):

22 Ծներսես Ենորհալու վարքը («Սոփերք», հ. XIV, էջ 8—10), «Գեորգ Սկևացու վարքը» («Բանբեր Մատենադարանի», № 7, էջ 410—433), հմմտ. նաև Գրիգոր Սկևացու ներքողը նվիրված ներսես Լամբրոնացուն («Սոփերք», հ. XV, 1854, էջ 7—8):

խունները՝ արտահայտված վերամբարձ ուժով, հերոսի կյանքը պատշաճորեն ներկայացնելու անկարողության առթիվ խոսքերը ընթերցողի մեջ պետք է նրա կյանքի նշանակալիության տպավորություն ստեղծեն: XIV—XV դդ. ռուս վարքագրության առնչությամբ Դ. Ս. Լիխաչովը նկատում է, որ «հեղինակի կողմից սևահական տգիտությունը խոստովանելը նախորդ ժամանակաշրջանի գրական ստեղծագործությունների ընդհանուր գիծն է, սակայն XIV—XV դդ. այդ խոստովանությունը վանականի համեստության արտահայտություն լինելուց վեր է ածվում գրական բնույթի դեկլարացիայի, այն ցույց է տալիս բառեր փնտրելիս նրա ունեցած տատանումները, նկարագրվող անձնավորության սրբությունը համարժեք կերպով արտացոլելու ձգտումը...»²³, նույն երևույթը նկատելի է նաև XII—XIV դդ. հայ հոստորական վարքերում: Այդ դարձացումը ցուցադրելու համար Կորյունի «Վարք Մաշտոցի» նախաբանը համեմատենք մեզ հետաքրքրող շրջանի առավել բնորոշ հուշարձաններից մեկի՝ Գևորգ Սկևռացու վարքի հետ: Եթե վերջինիս հեղինակը շարադրանքն սկսում է առաջիկա աշխատանքի հետ կապված իր ապրումների հուզումնալից, երկարաշունչ նկարագրությամբ, ապա Կորյունն այդ առիթով մի քանի բառ է գրում, որոնք Մաշտոցի կրտսեր աշակերտի շուրթերին հնչում են միանգամայն բնական և սոսկ ընդգծում են նրա համեստությունը. «Ուստի և իմ մասնաւոր աշակերտութեան վիճակ առեալ, թեպէտ և էի կրտսերագոյն, և առաւել քան զկար մեր, գրաւեալ անաշառ հրամանին հասելոյ, փութանակի և առանց յապաղելոյ զառաջի եղեալն մատենագրել»²⁴:

Մինչդեռ Գևորգ Սկևռացու Վարքում կարդում ենք. «Որովք մտաւք եղկելիս ես համարձակիմ ճառս ձշմարիտս նկարել զառնէն աստուծոյ՝ զսրբոյն Գէորգեայ, որոյ յիշատակն և հրեշտակաց ախորժելի է, զի հանգէտ նոցին և որպէս զնոսին քաղաքավարէր ի մարմնի, յորոյ անսայթաք վարուցն սասանեցան մարմին եղեալքն, զի ամենայնիւ յինքն կրէր զհոգին սուրբ: Եւ մարգարէն ասէ՝ Մի մնասցէ հոգի իմ ի մարդիկդ յայդ, վասն լինելոյ դոցա մարմին: Հապա վասնզի երկիւղ սարսուլի պաշարէ յամենայն կողմանց զիմս անձն և զդողումն ունի զոսկերս իմ, զի կապուտ և կողոպուտ արար զիս հասարակաց թշնամին. և թէ զինչ գործեցից՝ ոչ դիտեմ: Զի սկիզբն առնել ի չըքնաղ և երկնահանգէտ վարս սրբոյն, որպէս հրաման ընկալայ, զարհուրիմ, մի գուցէ դատապարտեցայց, քանզի և արժան իսկ եմ: Եւ դարձեալ, անփոյթ առնել զարեգականափայլ գնացից հանդիսի առն սքանչելոյ երկնչիմ և զդղանի հարեալ եմ, եթէ զծրարողին ի վարշամակ ծովութեան զտէրունեանն դրամ առից զպատիժ եւ կամ զանհնազանդին հրամանաց ըստ Սողոմոնի ժառանգեմ զկորուստն ...Եւ իմ զայս և զսոցին նմանսն ածեալ զմտաւ, մոռացայ թէ զի՞նչ ոք եմ և կամ ո՞ւր ձեռնարկեմ»²⁵:

Արտակարգ հարուստ են այս ժամանակաշրջանի հոստորական վարքերի արտահայտչամիջոցները: Երբեմն թվում է, թե վարքագրին ավելի շատ հետաքրքրում է հնչյունային կողմը, նրա խոսքը դառնում է երկարաշունչ, հոմա-

²³ Д. Лихачев, Культура Руси времени Андрея Рублева и Епифания Премудрого, стр. 59 (ընդգծումը մերն է—Ք. Տ.-Դ.).

²⁴ Կորյուն, Վարք Մաշտոցի, հրատ. ի ձեռն Մանուկ Արեղյանի, Երևան, 1941, էջ 22:

²⁵ «Թանքեր Մատենադարանի», № 7, էջ 411:

նիշներով բացառիկ հարուստ, բազմակրկնող²⁶ Շարադրանքը հաճախ վեր է ածվում զգացմունքների բանաստեղծական արտահայտության, չափածո արձակի, ներքին ուժով, երաժշտականությունը և բանաստեղծականությունը խիստ բնորոշ են այդ ժամանակաշրջանի հայ վարքագրության այնպիսի ուշագրավ հուշարձանների, ինչպիսիք են Ներսես Շնորհալու վարքը, Ներսես Լամբրոնացուն նվիրված ներբողը, Սահակի և Մաշտոցի պատմությունը, Գևորգ Սկևռացու վարքը։ Սրանք են այս ժանրի զարգացած շրջանի ընդհանուր հատկանիշները։

Հայ վարքագրությունն ունի և այլ առանձնահատկություններ, որոնք յուրահատուկ կնիք են դրել նրա հուշարձանների վրա։ Վերջիններս աչքի են ընկնում պատմական հարուստ բովանդակությամբ։ Սերտորեն կապված լինելով քաղաքական, մշակութային և, առհասարակ, հոգևոր կյանքի հետ, նրանք ամփիչականորեն արձադանքել են երկրի պատմական ճակատագրի համար կարևոր նշանակություն ունեցող իրադարձություններին²⁷։ Հայկական վարքերի հերոսները, առանց բացառության, պատմական գործիչներ են, իսկ վարքագիրների մեծ մասը՝ նրանց ժամանակակիցները կամ կրտսեր ժամանակակիցները։ Սրանով պետք է բացատրել վերացական ոճի և իրադարձությունների փաստացի նկարագրության ու շարադրանքի պատմականության այն զարմանալի զուգակցումը, որը դրսևորվում է XII—XIV դդ. վարքերում։ Այսպես, այդ ժամանակաշրջանի հայ վարքագրության լավագույն հուշարձաններից մեկում, Ներսես Շնորհալու վարքում, վերացարկման ձգտումը արտահայտվել է միայն ընդարձակ առաջաբանում, բանաստեղծորեն արտահայտիչ լեզվի մեջ, մինչդեռ բուն վարքը գրված է իրենց բովանդակության հարստությամբ աչքի ընկնող հնագույն վարքերի լավագույն ավանդույթների ոգով։ Հեղինակը երբեք չի կորցնում չափի ձգացումը։ Շարադրանքն անկաշկանդ է, տրամաբանական, ժամանակագրորեն հետևողական, առանց անհարկի հոստորականության և խրթին ու այլաբանական համեմատությունների։ Լեզուն աչքի է ընկնում ընտիր նորագեղությամբ։ Վարքագրի հոստորական պերճախոսությունը ինքնանույառակ չէ, այլ բնականոն ներհյուսվում է նրա խոսքին՝ ընթերցողին երբեք չհեղինով վերացական դատողություններով։ Զգացվում է, որ տվյալ վարքագրական երկը ծանրակշիռ է, պատմականորեն հավաստի և միտում չունի արհեստականորեն «տրամադրություն» առաջացնելու։ Ընդհակառակը, հեղինակը երբեմն պատմության մեջ հետաքրքրաշարժ տարրեր է մտցնում, որոնք շարադրանքին, վիպագրական թրձակի հատկանիշ են հաղորդում։ Այսպես, օրինակ, հելլենիստական շրջանի արկածային վեպերի և բյուզանդական լեգենդների ոգով պատմում է Գրիգոր Վկայասերի և նրա ուղեկիցների՝ Կոստանդնուպոլսից Պաղեստին ճանապարհով և փոթորկի պատճառով Եգիպտոս ընկնելը։

Հարուստ բովանդակությամբ է աչքի ընկնում Գևորգ Սկևռացու վարքը, որը ու միայն Սկևռացու կյանքի և գործունեության կարևոր սկզբնաղբյուր է,

²⁶ Հայ գրականության մեջ բազմակրկնող ոճը, ըստ Հ. Աճառյանի, սկսել է տարածվել X դ. («Հայոց գրերը», էջ 47)։

²⁷ V—XV դդ. վարքերի մասին մանրամասն տես՝ «Памятники армянской агиографии», перевод с древнеармянского, вступительные статьи и примечания К. С. Тер-Дав-яна, Ереван, 1973, стр. 14—25։

այլև հետաքրքիր տեղեկություններ է պարունակում Կիլիկյան Հայաստանի XIII դ. վերջի—XIV դ. սկզբի պատմության և հատկապես եկեղեցական-քաղաքական ներքին պայքարի վերաբերյալ²⁸։ Այդ երկում ցայտունորեն արտահայտվել է վերացական ուժի և փաստացի, պատմական շարադրանքի զուգակցումը։ Բնութ է, թե հեղինակը արժանին է հատուցում և՛ ժամանակի ոճին, և՛, միաժամանակ, պատմական շարադրանքին, քանի որ Գևորգ Սկևռացու ժամանակակիցն ու համախոհն է։ Ինչ-որ ներքին սահմանազատում է զգացվում այնտեղ, ուր վերացական լեզուն ու ոճը պարզորոշ փոխվում են հեղինակին հուզող իրադարձությունների կոնկրետ նկարագրության։ Վերացական ոճով է զրված վարքի առաջին մասը, որ նվիրված է հերոսի ծնունդին, կրթությանը և մեծագործությանը։ Մինչև անգամ կարելի է խոսել «հերոսի թեմայի» առկայության մասին։ Հերոսին նվիրված խոսքը միշտ էլ ուղեկցվում է հոստորականությամբ, այլաբանական խրթին համեմատություններով, որոնք վեր են ածվում ռիթմական արձակի։

Հերոսի մասին խոսելիս՝ վարքագրի լեզուն միշտ վերամբարձ է, ռիթմիկ («Սա էր, որ ի ցոյց մարդկան ոչինչ խորհէր կամ գործէր։ Սա էր, որ իբր լոյս, յաշտանակ և քաղաք ի լերին՝ զիրաքանչիւր պիտոյսն բաշխէր։ Սա էր աղանդին, որոյ թւքն արծաթապատ ի բանից տեառն, ընտիր և թիկնամէջն ի գոյն սկւոյն»²⁹), հաճախ դառնում է բանաստեղծորեն պատկերավոր («Եւ նա կայր իբրև զառեծ յանձնապաստան՝ ի մէջ նապաստակացն, որ սասանէին։ Եւ աղունքն նենգաւորք, զառեծն՝ որ սնեալ էր յանապատին շնորհին աստուծոյ, սպանանել ոչ զարէին։ Եւ շղիկանքն խաւարասէրք, զարծին երկընթաց յիրեանց նսեմ բանսն իջուցանել ոչ մարթէին։ Եւ գայլքն գիշակերք, զտիրասէր շունն ի մէջ շարութեան մագլացն զազատն ծախել ոչ ժամանէին։ Զի պահաց խնամք բարերարին զանբիծ աղանին, և չոր խիզախաւ բազէիւքն ոչ ըմբռնեցին»)՝³⁰։

Եթե դրական հերոսի գործի արդարությունը ապացուցելու համար հեղինակը օգտագործում է երկարաշունչ, վերացական դատողություններ, որոնք անհրաժեշտ են նրան իդեալականացնելու համար, ապա բացասական հերոսներին դատապարտելիս հաճույքով դիմում է նրանց շարագործությունների կոնկրետ նկարագրությանը, քանի որ ինչքան շատ չարագործություններ նկարագրվեն, այնքան ավելի մեծ պարսավանքի կարժանանան բացասական անձինք։ Այս ներքին տրամաբանությամբ է բացատրվում այն փաստը, որ վարքի երկրորդ, հիմնական մասում, որտեղ նկարագրվում են ունիթոռների անօրենությունները, նրանց դեմ Գևորգ Սկևռացու մղած պայքարը և, հատկապես, երբ խոսք է գնում «աստուծու պատուհասին» մասին, որին ենթարկվելու են հավատի «հայհոյիչները», հոստորական ոճը ետին պլան է մղվում, իսկ վերջում բոլորովին անհետանում է, իր տեղը զիջելով փաստացի, պատմական շարադրանքին։ Վարքագիրը հետևողականորեն, առանց հոստորական շեղումների պատմում է լատինասիրության ժազման՝ ու հետագա տարածման մասին՝ անդ-

28 «Գևորգ Սկևռացու վարքը», հրատարակության պատրաստեց է. Բաղդասարյանը («Բանբեր Մատենադարանի», № 7, էջ 399—410), նաև՝ «Памятники армянской агиографии», էջ 102—107։

29 Նույն տեղում, էջ 420։

30 Նույն տեղում, էջ 427։

րադառնալով Վահրամ Բարունու, Հեթում II, Գրիգոր Անավարդեցու դերին: Այդ առումով ուշադրավ են այն էջերը, որոնք նվիրված են Աստվածածնի վերափոխման տոնին (երբ նրանք «այսր անդր զասպատակ շարաշուկ գարհուրմանցն սփռէին...»)³¹ և «Մուղատկի» նկարագրությանը (երբ «ի ճենճերս ձիթոյ և ձկան և յարբեցութիւն գինւոյ և ի խաղս դայլայլկաց զապաշխարութեան աւուրս անցուցանէին»³²).

Երկի ուսուցողական, խրատական հնչեղության առումով կարևոր նշանակություն ունի եզրափակիչ մասը, որտեղ հեղինակը մի քանի էջ նվիրում է «Ճշմարիտ հավատից շեղվածներին» հասած «աստծու պատուհասի» նկարագրությանը: Սակայն «աստծու պատուհասի» պատրվակով նա մանրամասնորեն նկարագրում է միության հակառակորդների դեմ հարուցված հալածանքները, քանի որ վերջիններիս խլրտումներն այնպիսի չափերի էին հասել, որ Օշինը հարկադրված էր նրանց դեմ դորք դուրս բերել. «Եւ զարսուք ըմբռնեաց զորս և պատահեաց, և զյուրվս եսսսան, և զայլս ետ կախել ի դուռնս քաղաքաց և ի ճանապարհս ի մէջ դաշտաց: Եւ զամանս ի ձիս ամենհիս, որ անկիրթ էին սանձուց, յագինս ետ կապել և ընդ դաշտս և ընդ լերինս ցիր և ցան զսուրբ մարմինսն մաշեցին»³³:

Մի այլ դեպքում նա բացահայտում է հակառակորդ խմբավորման բարձրաստիճան հոգևորականների գաղտնի գործարքները: Վարքից ընթերցողն իմանում է, որ բարձրաստիճան հոգևորականությունը բարոյական անկում ու քայքայում էր ապրում: Գրիգոր Անավարդեցու հաջորդ Կոստանգինի մասին նա գրում է. «Եւ զհայրապետն՝ զոր յետ շարախրատին յաւուրս Հեթումյ եղին՝ արժաթով ընտրեցին. և զխոտեալն ի տեառնէ յաթոռն ազնիւ նստուցին, որոյ անուն Կոստանդին ձայնէին, որ անբան էր սրսլէս ձուկն և անարժան որպէս զորտ, բայց երկոտասան հազարաւ սրբեցաւ և շար յանձնառութեամբն արժանաւորեցաւ»³⁴:

Այսպիսով, XI—XV դդ. հոգևորական վարքերի էական առանձնահատկություններից մեկն էլ վերացական ոճի և փաստացի շարադրանքի զուգորդումն է:

Սակայն այդ ժամանակների հոգևորական վարքերի մեջ ամենանշանակալիցը և հայ վարքագրության համար նորն այն էր, որ հերոսների անհատականացման բավական հաջող փորձեր էին արվում³⁵. դեռ ավելին, հանդիպում են հերոսների պատկերման ռեալիստական, օբյեկտիվ տարրեր ի հակադրություն ավանդական ուղղագիծ պատկերման: Այս ևրևույթն ըստ արժանվույն դնահատելու համար հիշենք, որ վարքերի եկեղեցական-ծիսական դերը պահանջում էր ջնջել-վերացնել հերոսի բոլոր անհատական գծերը, մոտեցնել նրան «ժամանակի իդեալին»³⁶: «Միայն «ժամանակավորից», «մասնավորից»

31 Նույն տեղում:

32 Նույն տեղում, էջ 428:

33 Նույն տեղում, էջ 431—432:

34 Նույն տեղում, էջ 431:

35 Անհատականացման մասնակի փորձերի մեք հանդիպում ենք դեռևս V դարում: Լ. Լիսիս, *հղվ. աշխ.*, ժող. 72—74, Մ. Ավաղբեցի. Становление армянской художественной прозы (Автореферат диссертации на соискание ученой степени доктора филологических наук, Ереван, 1972, стр. 13):

36 Լ. Լիսիս, *հղվ. աշխ.*, էջ 109:

և «պատահականից» ազատագրված մարդը կարող էր դառնալ վարքագրական ևրկի հերոս՝ բարու կամ չարի, «բարության» կամ «ւրբության» ընդհանրացված մարմնացում: Գործնականորեն գա հանգեցրեց, և չէր կարող չհանդիմանալ այն բանին, որ հերոսներն սկսեցին հիշեցնել մեկը մյուսին. ունեին «բնավորության» միևնույն դժբեր, նման իրադրության մեջ վարվում էին միասնաբար, արտասանում էին միևնույն բառերը...»³⁷: Դեռևս վարքագրության, որպես ժանրի, ձևավորման արշալույսին Բարսեղ Կեսարացին, գրելով այն մասին, թե ինչպիսին պետք է լինեն վարքերի հերոսները, համեմատում էր նրանց «շարժվող և գործող արձանների հետ»³⁸, Մի խոսքով, վարքագրական կանոններով պահանջվում էր ստեղծել դրական կամ բացասական պայմանական հերոս՝ ըստ որոշակի կաղապարի: Այստեղից էլ՝ վարքագրական հերոսների պայմանականությունն ու կայունությունը: Դրական հերոսը չէր ունենում ո՛չ մի բացասական գիծ, իսկ բացասականը առավել ևս չէր կարող որևէ դրական հատկություն ունենալ:

Այս տեսակետից ներսես Շնորհալու և Գևորգ Սկևռացու վարքերում նկատելի են որոշակի շեղումներ ժանրի յուրահատկություններից բխող պայմանականությունից: Դրական հերոսները, թեև «բարու մարմնացում» են, սակայն ունեն իրենց անհատական բնավորությունը, իրենց սովորություններն ու հակումները, որոնց շնորհիվ ավելի լիարյուն են և կենդանի: Դա վերաբերվում է հատկապես ներսես Շնորհալուն, որը վարքում ամենևին էլ վերացական կերպար չէ: Ընդհանուր քրիստոնեական առաքինություններից բացի, որոնցով օժտում է վարքագիրն իր հերոսին, նա ունի նաև բնավորության անձնական գծեր և հատկություններ, այդ պատճառով էլ ընթերցողին պատկերվում է բարձրաշխարհիկ դաստիարակություն ստացած, մեղմ մարդու մի կերպար: Ահա՛ թե ինչպես է նկարագրում նրան վարքագիրը. «Ո՛չ ումեք ի մանկանց զանկատար ձայնեաց զանուն, զոր ամենայն ազգք մարդկան սովորաբար ունի, և ո՛չ ումեք մականուն ասաց»³⁹: Այլ «Լույս վերաձայնէր ամենեցունց անուն մեծի և փոքու... և Լթէ լինէր ի պատճառէ իմեմնէ բան և կամ գործ յումեքէ արժանի բարկութեան, նա և ոչ սրտնէր կամ ցուցանէր բարկութիւն ինչ, այլ հեզ և քաղցրագոյն բանիւ ասէր. Լոյս, եթէ ոչ յիս խնայէի՝ բարկանայի քեզ»³⁹:

Ուշագրավ է, որ ներսես Շնորհալու գրական ստեղծագործության և նրա սովորությունների մասին խոսելիս վարքագիրը նկարագրությունից անցնում է պատկերավորման և ստեղծում դրական գործունեությամբ զբաղվող ներսես Շնորհալու տեսանելի կերպարը, որ նույնպես կապված է գեղարվեստական նոր հայեցողության հետ. «Եւ արդ թէպէտ և ունէր զգիտութիւն ի կրթութենէ վարժմանն, ուստի և յայտ յայսմանէ էր, զի յարածամ մեղան և քարտէս պատրաստական լինէր մերձ նմա առ ի գրել, և նա անպարապորդ միշտ մատեան ի ձեռս ունեւել ընթեռնոյր և որոնէր և քննէր անդադար զխորին միտս գրոց նորբ տեսութեամբ, և ի կարի երկարագոյն աշխատութեանցն, թե պատահէր փոքր մի յարիլ ի բազմոցի և սակաւ ինչ նիրհմամբ հանգչել, շրթունք նորա իբրեւ ի յարթութեան շարժէին և խաղային թելադրութեամբ Հոգւոյն սրբոյ: Որոյ զկնի իբրեւ ի խթանէ ումեքէ զարթնոյր և առեալ փութապէս զպատրաստական բար-

37 И. П. Еремин, *уշվ. աշխ.*, էջ 118:

38 «Христианские чтения на 1827 г.», ч. XXV. СПб. 1833, стр. 179.

39 «Սոփերթ», հ. XIV, էջ 42—43, 44:

տէսն գրեր արագ արագ, զոր ի տեսլեանն առեալ լինէր ի Հոգւոյն սրբոյ, և դարձեալ ննջեր. և նոյնպէս լինէր այս առ նմա հանապազ»⁴⁰:

Հետաքրքրական են այն բնութագրերը, որ Գևորգ Սկեռացու վարքի հեղինակը տալիս է Վահրամ Բարունուն, Հեթումին, Գրիգոր Անավարդեցուն—այն մարդկանց, որոնք պատկանում են հակամարտ խմբակցութեան: Միջնադարյան հայտնի փիլիսոփա, «քաղկեդոնական հերետիկոսութեան» կողմնակից Վահրամ Բարունին բնորոշվում է որպէս «բանիբուն ճարտասան աներկեղ, միանգամայն անամաթ և քաջաբան»⁴¹, իսկ Գրիգոր Անավարդեցին, ժամանակի հայ կաթողիկոսը, լատինասեր շարժման ղեկավարը՝ «քաջ գիտնական և կատարեալ տեղէտ»⁴²: Առանձնապէս հետաքրքիր է Հեթում թագավորի բնութագրութեան, որը նույնպէս հակամարտ խմբակցութեան կողմնակից է. «Բայց քանի շատախաւս էր և սիրէր ի կազ և ի կռիւ պահել միշտ՝ զորս ընդ ձեռամբ ունէր: Եւ տեղեակ ևս էր գրոց և միշտ ջանայր զինքն ճշմարիտ ցուցանել և յորժամ պատահէր մարդոյ, զի անծանաթ լինէր բանի, ի հարց և ի փորձ մտեալ՝ չարչարէր, և զոր թաքնաբար ունէր զկայծակն խռովարար յայտնէր, բայց ի սրբոյս երկնչէր, այլ սակայն ընդ ծաղր խառնեալ ցուցանէր և որպէս յատար ի դէմս՝ ընդ սրբոյս պայքարէր»⁴³: Այս բնութագրութեան արդեն շատ է հեռացել վարքագրութեան կանոնների պայմանականություններից, բացասական հերոսին խիստ մոայլ, կուպիտ դուշնբրով ներկայացնելուց: Ընթերցողի առաջ պատկերանում է մի մարդ, որն առիթը բաց չի թողնում ի ցույց դնելու իր գիտելիքները, որը, միաժամանակ, րավականաչափ ճկուն է և անհրաժեշտության դեպքում կարող է կատակի տալով դժվար վիճակից ազատվել կամ պայքարել «որպէս յատար ի դէմս»: Այստեղ արդեն առկա են նրա բնավորութեան որոշակի դժբեր:

Գևորգ Սկեռացու բնութագրութեան մեջ խոսվում է նրա արտաքինի մասին, մի բան, որ վարքագրական հուշարձաններում խիստ սակավ է հանդիպում, քանի որ, ըստ վարքագրական պատկերացումների, մարդու մեջ արժեքավորը նրա ներքին գեղեցկությունն է: Ահա՛ թե ինչպէս է պատկերում հեղինակը Գևորգ Սկեռացուն. «Եւ զի ահարկու էին երեսք սրբոյն և սարսափելի տեսիլ քաղցր ոգւոյն, վասն զի անաշառ և անկաշառ էին բանք ուղիղ բերանոյն. անձն դիմաւոր, տեսիլն շնորհաւոր, բանն չափաւոր, զաւրութիւնն երկնաւոր, հասակն զարմանաւոր, լեզուս ճահաւոր, միտքն լուսաւոր, զի սակաւ լսէր և շատ իմանայր: Նոյնպէս սուղ ինչ խաւսէր և յոլով լոյս փայլատակէր»⁴⁴: Այստեղ թեև որոշ մակդիրներ ընդհանուր կարգի են, բայց և այնպէս ստեղծվել է որոշակի կերպար: Հեղինակը պատկերել է մի անկաշառ գիտնական վարդապետի, որը պատրաստ է մեռնել հանուն իր գաղափարների:

Այսպիսով, հայ վարքագրութեան զարգացման հիշյալ շրջանի (XII—XV դդ.) գրական վարքերի ընդհանուր գնահատականը տալիս պետք է նշել, որ հայ իրականութեան մեջ այդ շրջանը ունի ինքնատիպ գծեր՝ գրական հուշարձաններում վերացականացման ուժեղացումը զուգորդվում էր փաստացի,

40 Նույն տեղում, էջ 42:

41 «Բանբեր Մատենադարանի», № 7, էջ 421:

42 Նույն տեղում:

43 Նույն տեղում, էջ 421:

44 Նույն տեղում, էջ 417:

պատմական շարադրանքի հետ: Վարքագիրները նշանակալի հաջողությունների են հասել մարդկային կերպարներ ստեղծելու ասպարեզում:

XI—XV դդ. հեռուորական վարքերն, ասես, մի սահմանագիծ են, երբ իր բարձրագույն վերացական բնույթին է հասնում վարքագրությունը, բայց և միաժամանակ նրա ընդերքում զարգանում են դեղարվեստական մտածողության նոր տարրեր:

ХУДОЖЕСТВЕННАЯ ЦЕННОСТЬ АРМЯНСКИХ ЖИТИЙ (XI—XV вв.)

К. С. ТЕР-ДАВТЯН

Р е з ю м е

В армянской литературоведческой науке агиография является наименее изученной областью, хотя на протяжении целого тысячелетия она была одной из составных частей армянской средневековой литературы.

XI—XV вв. являются качественно новым этапом в развитии армянской агиографии, этапом окончательного завершения эволюции агиографии как жанра.

На характер и облик житийных памятников этого периода определенную печать наложили, с одной стороны, общий литературный подъем, с другой—внутренняя тенденция развития агиографии.

Новые веяния, мировоззрение, новые художественные вкусы проникали также в житийную литературу. Сочетание этих моментов с внутренней тенденцией развития житийного жанра определили самобытность и ценность армянских риторических житий.

Риторические жития XI—XV вв. являются как бы рубежом, где, с одной стороны, своего наивысшего абстрагирующего характера достигает армянская агиография, с другой—зарождаются элементы нового художественного метода.